

Statutas dil club d'unihoc Desertina Bulls



Cuntegn

1. Num, sedia, finamira	2
2. Gener da commembradi	2
3. Organisaziun	3
4. Finanzas	5
5. Obligaziuns dils commembers activs.....	6
6. Extradada dil club	6
7. Revisiun dallas statutas, dissoluziun dil club	6
8. Autras prescripziuns transitoricas	6
9. Promoziun da giugadurs	6
10. Trenaments	7
11. Supplement 1: Reclama ed internet/Sponsoring	8
12. Supplement 2: Administraziun e contact	8
13. Supplement 3: Giuventetgna e Sport	9
14. Conclusiun	10



www.desertinabulls.ch

1. Num, sedia, finamira

Art. 1 Dapi ils 25 d'avrel 1992 exista a Mustér in club d'unihoc cul num Desertina Bulls. Quei club ei in'uniun el senn dad art. 60ss. dil CCS cun sedia a Mustér. Ellas statutas suandontas vegn la noziun *uniun* era numnada *club*.

- a) La scursanaziun pil club secloma *UHC Desertina Bulls*. Sco scursanaziun pil num *Desertina Bulls* valan era ils bustabs *DB*.
- b) Sco emblem pil club vala in taur cun l'inscripziun *UHC Desertina Bulls*.
- c) Sco scartira per il num vala la scartira *Revue*.

Art. 2 Il club vul dar caschun d'exercitar il sport d'unihoc e da promover el ella regiun.

Art. 3 Il club ei ina secziun da Swiss Unihockey. El renconuscha lur statutas e reglaments.

Art. 4 Il club ei neutrals en fatgs policitics e confessiunals.

2. Gener da commembradi

Art. 5 Il club Desertina Bulls cumpeglia commembras e commembers activ(a)s, passiv(a)s e da honor. Ellas suandontas statutas vala la noziun *commemember* era per *commembra*.

- a) Ils commembers passivs san far part a suandontas occasiuns:
 - Di da club
 - Radunonza generala
 - Singuls trenaments cullas equipas activas
 - Ulteriuras occasiuns per tut ils commembers (p. ex. viadi al Superfinal)
- b) Il club tegn sil current ils commembers passivs surda las activitads dil club (Newsletter).

Art. 6 Ils trenaders decidan suenter 3 trenaments da fuffernadi schebein enzatgi duei vegnir recepius sco commemember activ.

- a) Scadin commemember ei obligaus da setener vid questas statutas.

Art. 7 Sco commembers passivs san talas personas vegnir recepidas che vulan promover il club e che pagan la contribuziun annuala. La contribuziun vegn fixada dalla radunonza generala.

Art. 8 Daventar commembers da honor san personas che

- a) sustegnan l'uniun finanziamein en moda generusa.
- b) promovon il svilup dil club exemplaricamein.
- c) ein stadas commemember activ dapli che 10 onns ed ein sefatgas meriteivlas pil club ni pil sport d'unihoc.

La suprastonza sa eleger personas sin atgna forza. Commembers activs han il dretg d'inoltrar propostas cun lur motivs per la nominaziun d'ina persona pil commembradi d'honor.



www.desertinabulls.ch

3. Organisaziun

Art. 9 Il club secumpona dils suandonts organs:

- a) La radunonza generala
- b) La suprastonza
- c) Du(a)s revisur(a)s da quen
- d) Ils trenaders/las trenadras
- e) Las equipas
- f) Il responsabel/la responsabla da material
- g) Il responsabel/la responsabla da sponsoring
- h) Il responsabel/la responsabla da trenaders
- i) Il responsabel/la responsabla da medias/internet

Art. 10 La radunonza generala

La radunonza generala ordinaria ha liug mintg'onn suenter la fin dalla sesiun (matg) e tracta las suandontas fatschentas:

1. Beinvegner ed appel
2. Elecziun da dus dumbravuschs
3. Approbaziun dil protocol digl onn vargau
4. Rapport annual dil president
5. Rendaquen e rapport dils revisurs
6. Preventiv
7. Fixaziun dallas contribuziuns annualas per ils commembers
8. Elecziuns/reelecziuns
9. Rapports dils trenaders
10. Orientaziuns e decisiuns
11. Varia

Art. 11 Ina radunonza generala vegn salvada per fatschentas impurtontas sche

- a) la suprastonza cloma leutier.
- b) silmeins la mesadad dils commembers pretenda ei a scret ad in commember dalla suprastonza.

Art. 12 Tuts commembers ein d'envidar a scret silmeins 15 dis avon il datum dalla radunonza generala. La gliesta dallas tractandas sto esser aschuntada all'invitaziun. Sch'in commember vul far ina proposta per midar las tractandas, sto el far quei a scret al president silmeins siat dis avon la radunonza generala. La suprastonza decida davart excepziuns.

Art. 13 Vuschar ed eleger san commembers activs e passivs. Ei vala il pli absolut tier elecziuns e votaziuns. Tier paritad dallas vuschs decida il president cun sia vusch. Elecziuns e votaziuns vegnan fatgas en general cun maun pli. Sch'ei vegn giavischau da silmeins in tierz dils votants presents, sa la votaziun ni elecziun vegnir fatga per scrutini.



www.desertinabulls.ch

Art. 14 La suprastonza

La radunonza generala elegia ni reelegia mintga dus onns la suprastonza che consista da treis commembers:

- a) President(a)
- b) Actuar(a)
- c) Cassier(a)

Art. 15 La suprastonza meina tuttas fatschentas dil club che la radunonza generala ei buca expressivamein cumpetenta leutier tenor art. 66ss. dil CCS.

Art. 16 Las cumpetenzas dalla suprastonza ein:

- a) Il president representa il club. El tgamuna las sedutas dalla suprastonza e survigilescha las fatschentas. El ei responsabels per l'invitaziun alla radunonza generala e scriva per mauns da mintga radunonza generala in rapport annual. Il president viseta da temps en temps ils trenaments. El procurescha per las segiradas necessarias e prescrettas. Il president procurescha che las statutas vegnan respectadas. El ei era responsabels per eventuels transfers da giugadurs. Ensemen culs trenaders decida el davart empustaziuns da licenzas novas.
- b) Igl actuar substituescha il president. El meina in protocol dallas radunonzas generalas e dallas sedutas da suprastonza.
- c) Il cassier ei responsabels per tuts quens dil club. El ha d'incassar las contribuziuns annualas e meina la contabilitad. El ei responsabels per ils daners che vegnan surdai ad el. Alla radunonza generala presenta el il rendaquen ed il preventiv.

Art. 17 Il president cloma allas sedutas da suprastonza tontas gadas sco las fatschentas pretendan ei. Per saver agir, ston tut ils treis commembers dalla suprastonza esser presents.

Art. 18 Il mandat ella suprastonza ei in uffeci da honor. La suprastonza ei denton deliberada dalla contribuziun annuala. Mintga commember ha il dretg da vegnir bonificaus per las spesas ch'el ha per il club. La radunonza generala decida da spesas per trenaders e responsabels.

Art. 19 La suprastonza decida da tuttas expensas fixadas el preventiv approbau dalla radunonza generala. La suprastonza ha denton ultra da quei il dretg d'expensas da 5'000.- frs per singuls cass buca fixai el preventiv.

Art. 20 Ils dus revisurs da quen vegnan elegi dalla radunonza generala per dus onns. Igl ei pusseivel da reelegir els. Els controlleschan mintg'onn la gestiun dil club e dattan rapport alla radunonza generala.



www.desertinabulls.ch

Art. 21 Ellas equipas sesanflan ils activs dil club. Ellas representan ils Desertina Bulls els differentes giugs e turniers. Ils trenaders, ils arbiters ed il schef da material ein responsabels ch'ils giugs funcziuneschan per satisfacziun da tuts.

Ils ulteriurs uffecis:

- a) Ils trenaders meinan il trenament e la scolaziun dils giugadurs. Els sustegnan ils giugadurs duront il trenament ed ils giugs. Alla fin d'in giug scrivan els il rapport per la pressa, la pagina d'internet e las medias sozias. Quella lavur san els denton era delegar. Els procueschan per l'infrastructura dallas rundas da casa e mettan avunda personas a disposiziun per erreger quella (suppias, bandas etc.).
- b) Ils arbiters meinan ils giugs conform allas reglas prescettas da Swiss Unihockey. Ils trenaders ensemen cul president ein responsabels d'annunziar il diember d'arbiters pretendiu da Swiss Unihockey. Mintg'equipa ei obligada da metter arbiters ed aschia gidar d'ademplier il contingent pretendiu.
- c) Il responsabel da material fa in inventari dil material dil club. El fa controlla dil material e procurescha per las reparaturas necessarias. Plinavon ha el la pusseivladad da remplazar il material cun in budget che vegn fixaus dalla suprastanza per in onn. El sa era far propostas per novas cumpras, mo annunzia era giugadurs che han fatg empaglia sapientivamein uorden dil club.
- d) Il responsabel da sponsoring elavura ensemen culla suprastanza il concept da sponsoring. Il qual duei vegnir actualisau tenor basegns e surluvraus mintga dus tochen treis onns. Il responsabel da sponsoring ei responsabels pils cuntracts da sponsoring e per l'acquistaziun da novs sponsurs. Sponsurs da bandas che schligian si il cuntract vegnan allontanai tras el. Era eis el responsabels, ensemen cun agid dalla suprastanza ni ulteriurs commembers, per la nova vestgadira (p. ex. monduras, trener eav.). Vinavon eis el persuna da contact, sch'il giavisch per nova vestgadira vegn expremius dallas equipas.
- e) Il responsabel da trenaders metta ensemen avon l'entschatta dalla sesiun il plan da trenaments e coordinescha il tal culs ulteriurs trenaders. Ensemen cul president ei el responsabels per las reservaziuns dallas hallas. Basegns dils trenaders san vegnir communicai entras el alla suprastanza ed el segida cun trenaders novs all'entschatta da lur trenaments.
- f) Il responsabel da medias/internet procura per l'actualitad dalla pagina d'internet e dallas paginas ellas medias sozias. El ei responsabels per ina buna reputaziun dil club egl internet ed ellas medias tradiziunalas.

4. Finanzas

Art. 22 Ei exista negina responsabladad persunala dils commembers dil club. Per tuttas obligaziuns dil club garanteschia mo sia facultad.



www.desertinabulls.ch

5. Obligaziuns dils commembers activs

Art. 23 Ils commembers activs han da pagar la contribuziun annuala fixada dalla radunonza generala sil pli tard 30 dis suenter recepciun dil quen.

Art. 24 Ils trenaments e las occasiuns dil club ein da visitar regularmein e punctualmein. Sa enzatgi buca prender part a quels, ha el da presentar ina perstgisa motivada al trenader.

Art. 25 Ils giugadurs han da sedepurtar andantamein a caschun da mintg'occurenza. En mintga cass han ils giugadurs da suandar tuttas ordinaziuns da trenaders e suprastonza.

Art. 26 La suprastonza sa obligar mintga giugadur da s'engaschar a caschun d'occurenzas specialas en favur dil club.

6. Extrada dil club

Art. 27 L'extrada dil club succeda sche:

- a) Tala vegn communicada a scret alla suprastonza a caschun dalla radunonza generala
- b) La contribuziun annuala ei buca vegnida pagada suenter duas admoniziuns
- c) Il sedepurtar dil giugadur va encunter ils interess dil club

7. Revisiun dallas statutas, dissoluziun dil club

Art. 28 Igl ei pusseivel da reveder las statutas sche

- a) silmeins duas tiazas dils commembers presents alla radunonza generala ein persuenter.
- b) ils tals commembers han il dretg da vuschar.

Art. 29 Sligiar il club e decider dalla facultad ei mo pusseivel sche treis quarts dils commembers presents ad ina radunonza generala e cul dretg da votar ein per suenter.

8. Autras prescripziuns transitoricas

Art. 30 Il club posseda neginas segiradas d'accident e da responsabladad per ses commembers. Mintgin procura sez per sia segirada necessaria.

Art. 31 Mintga commember ha la pusseivladad da prender investa dallas statutas silla pagina d'internet dils Desertina Bulls.

9. Promoziun da giugadurs

Art. 32 La promoziun dils giugadurs en ina equipa pli aulta ni pli bassa vegn decidida dils trenaders.

Art. 33 Mintga giugadur e mintga giugadura ch'entra el club entscheiva a dar giug ell'equipa cun affons tuttina vegls. Ils trenaders sco era il president san decider davart excepziuns extraordinarias.



www.desertinabulls.ch

10. Trenaments

Art. 34 Mintg'equipa trenescha persula ina tochen duas gada ad jamna. Il plan da trenaments vegn mess ensemen dil responsabel da trenaders.

Art. 35 Giugadurs e giugaduras che dattan campjunadi (supplement tier art. 24)

- a) Als trenaments dallas equipas che dattan campjunadi separticipescha da principi mo ils giugadurs ch'ei involvai el campjunadi ed eventualmein ina pintga reserva.
- b) Tut ils trenaments che crodan muort occasiuns en halla, san vegnir organisai denter ils trenaders ni vegnir dislocai sin autras hallas ella regiun.

Art. 36 Giugadurs e giugaduras che dattan buca campjunadi

- a) Mintga giugadur(a) viseta tenor pusseivladad in trenament ad jamna. Sa in giugadur ni ina giugadura buca esser presents(-a) dat ella part al trenader.
- b) Per risguard dalla vegliadetgna ein tuts trenaments per scolars e scolaras organisai aschia ch'els fineschan allas 20:30 uras.

Art. 37 Desertina Kids

L'equipa dils Desertina Kids ei la pli giuvna partiziun dil club d'Unihoc Desertina Bulls. Quella equipa ei il liug da scolaziun fundamentala per tut las equipas dil club.



www.desertinabulls.ch

11. Supplement 1: Reclama ed internet/Sponsoring

Art. 38 Il responsabel da medias/internet colligia ils commembers e las activitads dil club culla publicitad. Quei succeda sin divers camps:

- a) Pagina d'internet
- b) Medias sozias
- c) Flyers
- d) Correspondenza
- e) Medias tradiziunalas
- f) auter

Art. 39 Cun sustegn dalla suprastanza, dils trenaders e dils comités d'organisaziun per diversas occasiuns vegn fatg reclama sur differents canals per las activitads dil club (p. ex. turnier da notg). Lur finanziaziun vegn sclarida el preventiv, che vegn presentaus duront la radunonza generala.

Art. 40 Per la producziun da flyers e material da squetsch vegnan en emprema lingia sponsurs e fatschentas indigenas risguardadas.

Art. 41 Il responsabel da sponsoring procura ensemen culla suprastanza per finanzas. Quei succeda cun agid dil cassier. Cun mieds moderns sa el ir alla tscherca da novs sponsurs.

Art. 42 En emprema lingia vegnan fatschentas indigenas risguardadas.

Art. 43 Il club ha denton era la pusseivladad da serender anoviar alla tscherca da donaturs e sponsurs.

Art. 44 Ei vegn procurau ch'ei detti buca parallelas ella reclama, vul dir che duas fatschentas concorrenzas daventien el medem mument sponsurs dil club senza lur savida.

Art. 45 Els cuntracts da sponsoring cun fatschentas eis ei pusseivel da definar privilegis specials per talas fatschentas. Quellas ston star en favur dil club d'unihoc sco era dalla fatschenta pertuccada.

12. Supplement 2: Administraziun e contact

Art. 46 Il president administrescha ensemen culs consuprastonts tuttas lavurs da biro dil club.

Pensums d'administraziun:

- a) Menar la correspondenza dil club
- b) Centrala ed adressa da contact ufficiala dil club
- c) Administraziun dils commembers e las licenzas
- d) Communicaziun anoviar
- e) Communicaziun cun Swiss Unihockey

Art. 47 Il president meina la correspondenza denter il club ed ils commembers, sco era auters clubs e persunas interessadas.



www.desertinabulls.ch

Art. 48 L'adressa d'E-Mail dil president ei il contact official per tutta corrispondenza che va sut il num dil club. Il president ei responsabels per la coordinaziun e risposta da damondas al club intern sco era extern.

Art. 49 Ils trenaders informeschan la suprastanza davart commembers novs sil pli tard all'entschatta digl onn cullas gliesta d'equipa.

13. Supplement 3: Giuventetgna e Sport

Art. 50 Il club elegia ina persuna sco responsabla per ils cuors da Giuventetgna e Sport (G+S). La tala absolvescha il cuors sco *G+S Coach* ed ei responsabla per l'administraziun dils cuors.

Art. 51 Il club dat la pusseivladad a tut ils trenaders da visitar cuors da G+S. Ils daners necessaris vegnan fixai el preventiv.

Art. 52 Quels cuors han la finamira da migliurar la savida dils trenaders e la qualitat dils trenaments. Giugadurs sco era trenaders dueian profitar medemamein.

Art. 53 Plinavon ei ina finamira da contonscher success sportivs ed aschia migliurar la reputaziun publica dil club.

Art. 54 Ils cuosts pils cuors vegnan finanziarii cumplettamein entras il club.

Art. 55 Suenter absolver il cuors da basa da G+S ei il trenader obligaus da suprender il trenament da lur equipa per silmeins dus onns.



www.desertinabulls.ch

14. Conclusiun

Art. 56 Las statutas presentas ein passadas en vigor cun l'approbaziun tras la radunonza generala dils 4 da matg 2019 e remplazzan las talas dils 24 d'avrel 1994.

Mustér, ils 4 da matg 2019

Club d'unihoc Desertina Bulls

Il president

Adrian Flepp

L'actura

Marina Lombris